

EUSKARA IKASTEKO LANGUNTZEN DEIALDIAREN OINARRI ARAUTZAILEAK, 2021eko PROGRAMA

Erreferentzia: Ogas/SubvEuslkaltOrd21

LEHENENGOA.- Helburua

Oinarri hauen helburua lehiaketakoa ez den konkurrentziaren erregimenean Oyón-Oiongo Udalak emandako diru-laguntzak eskuratzeko modua arautzea da. Laguntza horiek euskara ikastea finantzatzen zuzendurikoak izango dira, hizkuntza honen ikaskuntza suspertzeko eta euskara Euskal Autonomia Erkidegoko hizkuntza propioztat harturikoa dela kontuan izanda. Ondorioz, herritarrek hura ezagutzeko eskubidea dute, Euskal Autonomia Erkidegoko Estatutuaren abenduaren 18ko 3/1979 Lege Organikoan jaso zen moduan. Laguntzak lan egiteko legezko adina dutenei eta beren denboraren zati bat euskara ikasten ematen dutenei emango zaizkie.

Deialdi honen bitartez, diruz lagunduko dira jarraian zehazturiko edozein modutako euskara ikasketak:

- Ikastaroak homologatutako euskaltegietan, 2020ko urriaren 1aren eta 2021eko ekainaren 30aren arteko aldirian, biak barne. Epe hori zenbatuko da laguntza hau jasotzeko.
- Ikastaroak barnetegietan, homologatutako euskaltegietan, epe berean.

Deialdi honetatik kanpo geratzen dira urrutiko ikaskuntzarako ikastaroak edo multimedia sistemen bitartez eginkoak.

Diru-laguntzen emakida aurrekontuak egotearen menpekota izango da beti, eta eskatzaileak deialdi honen laugarren oinarrian eskatutako betekizun guzti-guztiak betetzen baditu.

Diruz lagundu ahalko den gastua euskara ikastea ikastaroko matrikularen zenbatekoa izango da. Barnetegien kasuan otordu eta ostatu gastuak ere sartuko dira diru-laguntzan. Lekualdaketak, materialak, eta abar bezalako beste mota batzuetako gastuak ez dira inolaz ere kontuan izango.

Eskatzen diren betekizun guztiak betez gero, onuradunak diruz lagun daitekeen aurkeztutako gastuaren % 70 jasoko du beka modura.

Aurreko atalean ezarritakoa gorabehera, laguntzaren zenbatekoa % 70 baino handiagoa izan daiteke, baina ezin du gainditu onuradunak egin dituen gastuen % 80 baino gehiago, pertsona hori langabe egon bada gutxienez 6 hilabetez laguntza hori jasotzeko zenbatu daitekeen epean, eta behar bezala egiaztatu behar du Enplegu Bulegoak bizi den udalerrira bidalitako ziurtagiri baten bidez.

Diru-laguntzak izango dira jarduera horiek finantzatzen laguntzeko emango diren laguntzak, honako lege hauetan ezarritakoaren arabera: otsailaren 7ko 3/97 Foru Araua, Arabako Lurralde Historikoko diru-laguntza eta transferentzietan buruzkoa; azaroaren 17ko 38/2003 Legea, Diru-laguntzen Lege Orokorra; Toki Korporazioen Zerbitzu Erregelamendua; eta aplikatu daitekeen gainerako legeria.

BIGARRENA.- Aurrekontu-zuzkidura

Deialdi honen bitartez emandako diru-laguntza guztien kopuru osoak ezingo du inoiz aurrekontuan zehaztutako kopurua gainditu.

Deialdi honetan aurreikusitako kopurua ez balitz nahikoa aurkeztutako eskaeren eskariari aurre egiteko, laguntzak edo bekak hainbanatu egingo dira proportzionalki gehienez kopuru hori lortu arte.

Gastua Oyón-Oiongo Udaleko 2021eko Aurrekontu Orokorren kontura egingo da.

HIRUGARRENA.- Onuradunak

Deialdi honen onuradun izan ahalko dira Oyón-Oionen erroldaturiko pertsona fisiko guztiak lehen oinarrian xedatutako euskara ikastea edozein zentrotan matrikulatuta badaude, honen xede den ikasmailaren bat egiten ari badira, eta, batez ere, deialdi honen laugarren oinarrian zerrendaturiko betekizun guzti-guztiak betetzen badituzte.

Ezingo dira onuradun izan Diru-laguntzen azaroaren 17ko 38/2003 Lege Orokorren 13. artikuluan zehaztutako inguruabarretan dauden pertsona edo entitateak.

Ezingo dira onuradun izan laguntza jasotzeko zenbatzen den aldia hasten denean nahitaez eskolaratu beharreko adina duten pertsona fisikoak, eskolaratuta egon zein ez egon..

LAUGARRENA.- Diru-laguntza jasotzeko betekizunak

Deialdi honetan araututako laguntzen onuradun izateko betebeharrak hurrengoak dira:

1. Oyón-Oiongo udalerrian erroldaturik egotea, gutxienez hiru urte jarraituz diruz lagundu beharreko ikastaroaren hasiera data baino lehen.
2. Homologatutako euskaltegi batean euskara ikastaroa egin izana, edo egiten aritea, laguntza emateko zenbatu daitekeen epean, edo ikastaroa euskaltegi homologatu bateko barnetegian egin izana, epe berean. Ikastaroren batek ez balu zorrozki beteko goian adierazitako epea, portzentajeen araberrako laguntza emango litzaioke, denbora tarte horretan sartutako egun baldiodunen arabera.

- Edonola ere, kanpoan utzitako tarteari dagokion diru-laguntza jasotzeko, deialdi hau eta gero egiten den deialdia erabil daiteke, horrelakorik dagoen kasuan.
3. Gutxienez diruz lagundu beharreko ikastaroan eman diren eskola orduen % 80era joan izana. Horretarako, kontuan izango da kasuan kasuko ikastaroa egiten den euskaltegiko zuzendariak xede honetarako egingo duen banakako txostena.
 4. Oyón-Oiongo Udalak edo beste edozein erakunde edo organo publikok egindako zernahi ziurtapen jardun onartuko dute, aurkeztutako informazioa eta/edo dokumentazioa egiaztatze aldera. Halaber, jarduera horren inguruan eskatzen zaien beste edozein informazio ere aurkeztu beharko dute.
 5. Familia-unitateak Oyón-Oiongo Udaleko udal altxortegiko ordainketak egunean dituela egiaztatuko da, bai eta Foru Ogasunarekiko eta Gizarte Segurantzarekiko obligazioak ere.
 6. Eskatzaileak xede berdinetako jaso edo eskatu ahal izan duen bestelako diru-laguntzen berri eman beharko dio Udalari. Edonola ere, jasotako diru-laguntzen multzoak ezingo du inolaz ere diruz lagun daitekeen zenbatekoa gainditu.
 7. Jasotako funtsak erabili direla egiaztatzen duten agiriak gordetzea, agiri elektronikoak barne, zeren eta egiaztatuak eta kontrolatuak nahi izan baitaitezke.

BOSGARRENA.- Eskabideak eta dokumentazioa aldatzea.

Eskabideak Oyón-Oiongo udaletxeko bulegoetan aurkeztuko dira (Plaza Nagusia 5 - 01320 Oyón-Oion), edo Administrazio Publikoen Administrazio Prozedura Erkidearen 39/2015 Legean zehaztutako moduetan.

Eskaera berdinean edo hari erantsita hurrengo dokumentuak aurkeztu beharko dira:

Eskatzailearen eta/edo haren legezko ordezkariaren identifikazio datuak.

Banku-kontuaren zenbakia, hala badagokio, emandako diru-laguntza ordaindu ahal izateko, emango den ereduari jarraikiz.

Beste erakunde publiko edo pribatu batzuei, diru-laguntza honen xede berdinetarako, egin ahal izan zaizkien laguntza eskaeren edo horien aldetik jaso izandako laguntzen gaineko zinpeko aitortpena. Halaber, derrigorrezkoa izango da Oyón-Oiongo Udala jakinaren gainean jartzea hura lortu den edo lortu ez den jakin bezain laster. Horren helburua diru-laguntza berregokitzea izango da.

Ez da beharrezkoa familia-unitatearen eroldari buruzko dokumentazioa aurkeztea; izan ere, udaleko zerbitzuek ofizioz gehituko dute.

Ikaslea ikastarora zer neurritan bertaratu den jasotzen duen dokumentazioa eskaerarekin batera aurkeztu edo Oyón-Oiongo Udalari baimena eman beharko zaio, horrek bere izenean eskatzeko.

Langabezia-egoerari buruzko dokumentazioa eskaerarekin batera aurkeztu edo Oyón-Oiongo Udalari baimena eman beharko zaio, horrek bere izenean eskatzeko.

Bat etorritik Administrazio Publikoen Administrazio Prozedura Erkidearen urriaren 1eko 39/2015 Legeko 28.2 artikuluan xedatutakoarekin, interesdunek ez dituzte aurkeztu beharko edozein Administrazio eginiko dokumentuak, dagokion prozeduran dokumentu horiek aurkeztea derrigorrezkoa edo hautazkoa den aintzat hartu gabe; betiere, interesdunak baimena eman badu dokumentu horiek kontsultatu edo biltzeko. Ulertuko da dokumentuak kontsultatzea edo biltzea baimentzen dela prozeduran berriazko aurkaratzerik ez badago edo aplikagarria den lege bereziak berriazko baimena eskatzen ez badu.

Udalari datuak biltzeko baimena ematen ez bazaio, dokumentu hauek aurkeztuko dira:

Enplegu Bulegoaren ziurtagiria. Bertan jaso beharko da familia-unitateko kideren bat langabezian egon dela, gutxienez, 6 hilabeteko epean, diru-laguntza hau jasotzeko ondoretarako aintzat hartuko den epean.

Ikastaroa egin den euskaltegiko ziurtagiria. Bertan, hurrengoak bilduko dira:

- Ikaslea identifikatzen duten datuak.
- Matrikulazioagatik ordaindutako zenbatekoa.
- Egindako ikastaroa: maila eta astero izan den eskola-orduen kopurua.
- Ikastaroaren hasiera- eta amaiera-data.
- Ikaslea ikastarora zer neurritan bertaratu den. Kopurua portzentaje modura adierazi beharko da, emandako orduak eta eskatzaileak harturikoak kontuan izanez.

Eskabidean berriaz adieraziko da eskatzaileak baimena ematen diola Oyón-Oiongo Udalari bere izen-abizenak zabaltzeko, eta iragarkietan eta bandoetan bere izen-abizenak eta emandako diru-laguntzaren zenbatekoa adierazteko.

SEIGARRENA.- Epea

Oinarri hauetan araututako laguntzak eskuratzeko eskabideak aurkezteko epea deialdi hau Arabako Lurralde Historikoko Aldizkari Ofizialean argitaratu eta hurrengo egunetik aurrera hasiko da, eta 2021eko uztailaren 23an (ostirala) amaituko da.

Aurkeztutako dokumentazioan irregulartasun edo gabeziaren bat sumatuko balitz, 10 eguneko epea izango da horiek zuzentzeko, eskabidea eta eskatutako dokumentazioa ebaluatzen denetik aurrera. Adierazitako epe hori igarota eskatzaileak akatsa ebatzi ez badu, eskabidea artxibatu egingo da, beste izapiderik gabe.

ZAZPIGARRENA.- Balorazio-irizpideak

Deialdi honen laugarren oinarrian zerrendaturiko betekizunak betetzeagatik eta adierazitako moduan egiaztatzeagatik soilik eskubidea izango du onuradunak kasuan kasuko beka eskuratzeko.

Diru-laguntzen emakida xede horretarako aplikagarria den aurrekontu-esleipenaren arabera izango da.

ZORTZIGARRENA.- Diru-laguntzen zenbatekoa eta horien gaineko kalkulua

Diru-laguntzaren zenbatekoak ez du inola ere diruz lagun daitekeen zenbatekoaren % 70 gaindituko, 1. eta 2. oinarrietan aurreikusitako kasuetan izan ezik (langabeziako 6 hilabete edo hainbanaketa).

1. oinarrian adierazi den moduan, diruz lagundu ahalko den gastutzat hartuko da euskara ikasteko ikastaroko matrikularen zenbatekoa. Barnetegien kasuan otordu eta ostatu gastuak ere sartuko dira diru-laguntzan. Kontzeptu horretatik kanpo geratzen dira lekualdaketak, materiala, eta abar bezalako beste gastu mota batzuk.

Diru-laguntzaren zenbatekoak ez ditu 350 euroak gaindituko.

Laguntzaren zenbatekoa onuradunen arteko bertaratze mailaren arabera hainbanatuko da.

BEDERTZIGARRENA.- Eskabideak aztertu eta ebatzea, eta organo eskudunak

Eskaerak jasotako ordenan aztertu eta ebatziko dira, eta beti deialdi honetarako adostutako partidan dagoen gaitasun ekonomikoa gainditu gabe.

Administrazioko izapide arrazoiengatik, laguntzen onarpena hainbat eskaera sortetan egingo da, hau da, akordio bakoitzean hainbat eskaera onartu ahalko da aldi berean.

Behin betiko ebazpena Alkateari dagokio. Ebazpenean onuradunen zerrenda eta jasoko dituzten zenbatekoak zehaztuko dira; era berean, baztertutako eskaerak eta horiek baztertzeko zergatia jasoko dira.

Ebazpena aurkaratzeko aukera egongo da, Administrazio Publikoen Administrazio Prozedura Erkidearen 39/2015 Legeak ezarritako kasu eta moduetan. Errekurtsoa ebaztea Alkatearen ardurara izango da.

Egoki irizten bada, Udalak datuak edo argibideak bildu ahalko ditu aurkeztutako dokumentuen gainean, azterketa eta balorazioa osatze aldera. Datu edo argibide horiek hamar eguneko epean aurkeztuko ez balira, espedientea artxibatzea gerta daiteke.

HAMARGARRENA.- Jakinarazpena eta ordainketa modua

Alkateak ebazpena onartuta, hura jakinarazi egingo zaie eskatzaileei gehienez hamar eguneko epean. Jakinarazpen horretan onuradunaren izena, jaso beharreko zenbatekoa eta hark ordainketa egiteko emandako bankuko kontu zenbakia jasoko da. Halaber, diru-laguntzaren eskaeraren gaitzespenak jakinaraziko dira, horiei ezezkua eman izateko egondako arrazoiekin batera.

Emandako ebazpenak amaiera emango dio administrazio-bideari.

Ebazpena emateko eta interesdunari jakinarazteko epea amaitu eta halakorik egin ez bada, administrazio isiltasunaren bidez, eskaera ukatu egin dela ulertuko da.

Deialdi honen aurka eta honen ondoriozko administrazio egintzen aurka errekurtsioak aurkeztu ahal izango dira Administrazio Publikoen Administrazio Prozedura Erkidearen 39/2015 Legean ezartzen diren kasu eta moduetan.

HAMAIKAGARRENA.- Diru-laguntzaren muga

Diru-laguntzaren zenbateko osoak, deialdi honen edo beste baten bitartez, ezingo du onuradunak egindako ikastaroaren kostua gainditu inolaz ere.

Onartu den diru-laguntza berriro aztertu ahal izango da, gastua finantzatzeko beste erakunde batzuek egindako ekarpen osagarriak edo beste diru-sarrera batzuk ere erabili direla jakin ondoren. Horrela, diru-laguntzaren behin betiko zenbatekoa gastuen eta diru-sarreraren arteko azkeneko likidazioaren emaitza izango da, inoiz ez superabita.

HAMBIGARRENA.- Kontrola

Diru-laguntza ematen duen organoak ondo iriztitako administrazio kontrolak eta ikuskapenak egin ahal izango ditu, aurkeztutako dokumentazioan jasotako datuak benetakoak diren eta laguntza jasotzeko betekizunak gauzatzen diren ala ez egiaztatzeko.

Onuradunak ikuskapen horretan laguntzeko betebeharra izango du, eskatzen zaizkion datuak emanez.

HAMAHIRUGARRENA.- Diru-laguntza galtzea

Laguntzaren onuradunak beherago zehaztuko diren baldintzetatik baten bat urratzen badu, zinegotzi arduradunak jasotako kopuruak itzultzeko betebeharra proposatuko du, diru-laguntzaren ordainketaren uneko berandutze interesak eta guzti. Hura Oyón-Oiongo Udaleko kontura egindako transferentzia bidez egingo litzateke. Itzulketa proposamen hori Alkatetzaren bitartez bideratuko da, onartua izan dadin.

Diru-laguntzaren galera-espedita irekitzea eta kopuru itzuli behar izatea ekarriko duten kasuak hurrengoak izango dira:

Aurkeztutako eskaera edo dokumentazioan adierazitako datuak faltsutzea.

Diru-laguntzaren zenbatekoak, bakarka edo xede bereko beste laguntza publiko edo pribatu batzuekin batera, diruz lagundutako jardueraren kostu osoa gainditzea.

Oyón-Oiongo Udalari beste diru-laguntza publiko edo pribatu batzuk jaso izana lehenbailehen ez jakinaraztea, Oyón-Oiongo Udalak kasuan kasuko likidazioa onarturik badu ere.

Eta, oro har, oinarri hauetan ezarritako betebeharretatik edozein urratzea.

HAMALAU GARRENA.- Arau-haustea eta zigorrak

Oinarri hauetan ezarritako betekizunetatik edozein urratzeak Diru-laguntzen azaroaren 17ko 38/2003 Lege Orokorraren V. Tituluan adierazitako arau-hausteen erregimenean eta haren administrazio zehapenean sartzea ekarriko du, emandako laguntza (osorik edo zati bat) galtzarekin batera.

Oyón-Oiongo udalerriaren funtsen kontura emandako diru-laguntzen erabileraren eta helburuaren gaineko kontrola Herri Kontuen Euskal Epaitegiaren eskumena da. Halaber, Epaitegiak Euskal Sektore Publikotik diru-laguntzak edo finantza-laguntzak jasotzen dituen pertsona fisiko edo juridiko guztien jardunera zabaltzen du bere kontrola.

HAMABOS GARRENA.- Garapena, interpretazioa eta hedapena

Alkateak egoki irizten dituen ebazpenak emango ditu honako deialdi hau garatze aldera.

Oinarri hauek interpretatzerakoan edozein zalantza badago, organo emaileak ebatziko du. Deialdi hau jendaurrean jarriko da, udaletxeko iragarki-taulan eta webgunean (<http://www.ayuntamientodeoyon.com>) argitaratuta.

Oinarrien testu osoa udal-bulegoetan eta webgunean (<http://www.ayuntamientodeoyon.com>) kontsultatu ahal izango da.

Oyón-Oionen, 2021eko ekainaren 23an.

*Diligentzia.- Jasota geratzen da Euskara ikasteko diru-laguntzen oinarri arautzaile hauek onartu egin direla 2021eko ekainaren 23ko Alkatetzaren Ebazpenaren bidez.
Udaleko idazkaria: Alfredo S. Sastre de A.*